


დ რ მ ე ბ



19 სურათებიანი დამატება

გაზეთის № 1 | ზარასკევი, | იანვარი 1910 წ. 429 | დამატების № 1



დედის ნუგეზი.

კ ვ ლ ა ვ!

—:—

ცრემლი, ვაება, საფლავის ჩრდილი,
დაბადებიდან თან დაგვეყოლია:
ქანც-მიღეული, სული მოღლილი
კვლავ ჰგოდებს, მოსთქვამს, კვლავ ობოლია.

*
* *

მშობელ ქვეყანას კვლავ ნისლი ჰბურავს,
მთუთქავე ცეცხლი გულში გვიღვივის;
და წინად მთქმელი ჩვენი შავის დღის
უნდო ყორანი დაგეჩხავის... ყივის!..

*
* *

ახ, მეგობარნო! კაეშანს მწველსა
ნუ გვიორკეცებთ, გვეყო ნადველი;
ნურც მოგვილოცავთ ახალსა წელსა,
ჩვენთვის, ვით წინად, ეხლაც არს ძველი!..

*
* *

ცრემლი, ნადველი, კენესა და სნება,
დაბადებიდან თან დაგვეყოლია;
ქანც-მიღეული, გვემული, გული
სულის კაეშანს გადაჰყოლია!..

ი. გრიშაშვილი.



ეკატერინე გაბაშვილისა.

დღეს, პირველ იანვარს, სრული ორმოცი წელიწადი სრულდება, რაც ჩვენი მწერალი ქალი ეკატერინე გაბაშვილისა სამწერლო ასპარეზზე გამოვიდა.

სევდის ბნელს დამეს.

სიმღერები.

შემთხვევით შეგხვდი მეგობართ შორის
გულგატეხილი სევდის ბნელს დამეს;
მაგ იღუმალმა უცხო თვალებმა
სული მიმქრალი უღვთოდ აწამეს.

ოდეს შენს ბაგეს ამეტყველებდი,
თითქოს გალობა ზეცით მესმოდა;
შემოგხაროდი ზაფხულის ყვავილს,
უშენოდ ყოფნა მეძნელებოდა.

და ამას ვნანობ, რომ შენც მიმტყუნე,
დამგმე უძძრახმან, შავად დამსახე;
სალამი მოგეც, კიდევ მოჰფარდი,
ვეღარ ვიხილე ნათელი სახე.

ოჰ, რად ვერ იცან შენი მკობელი,
რისთვის დამაქენე ნელსხივოსანი;
რად ვერ მიმიხვდი ძალას ღვთიურსა,
ამაყს ტყვედ ხელში გყავდა მგოსანი!

ძილი გამიკრთა... ველი ჩემს მტანჯველს...
ლანდი სპეტაკი გამომიქროლებს;
გადაფრინდებით შორეულს კუნძულს,
დავმღერ და იგიც ხმას ამაყოლებს.

არა მსურს მასთან წყნარი სიმშვიდე,
მე მიჩვენია ღელვა-კოდება;
სულის ვრცელ ზღვაში თავსა დავიხრჩობ,
კუბოს შემიკრავს ჩემი ღვთაება.

მიახლოვდება ბინდით მოცული,
მარტო მიბნედილს ვხედავ შავს თვალებს;
მზის მწვანე ტოტსა არხევს შრიალით,
რიდაც იღუმალს გულით მავალებს.

ვინ ხარ, ასულო, ქმნილო აჩრდილად?
გნახე... საითღა მიეჩქარები?
სხივი მთვარისა შენ ერთს რად გამკობს!..
მოდი, მარტო მყოფს ნუ მეკრძალები!

კორდო, საშუალ უდაბურისაგ,
შენს ნახს კალთაზე ვნახე ქალწული;
ის ნარნარებდა, ვით ცის ვარსკვლავი,
მან გამინათა სული დახშული.

ეხლა სად არის მითხარ, ჰე კორდო,
ვისთანა ჰლოლობს, ვის უაღერსებს?
ხმა ჩემის ჩანგის მის ყურს არ სწვდება,
მაშ სხვა მგოსანი ვინ უმღერს ლექსებს?

ოჰ, მოგონებავ, ნუ, ნუ მაშფოთებ,
ნურც გამახსენებ წარსულ დიდებას;
სატრფოს ღიმილი მსურს დავივიწყო,
წუთით მივეცე თავდავიწყებას.

მე თვით არ ვიცი, რისთვის მიყვარდა,
ასე თამამად რად ვაღმერთებდი;
რისთვის მივანდე სულის სიმშვიდე,
ლაშქს უძილოდ რად ვათენებდი?

ახლა რაღა ვარ? — ცეცხლი ჩამქრალი...
დაშრა ცრემლთ გუბე—ვერ ვიგრძნობ შევებას;
ოჰ, მოგონებავ, ნუ, ნუ მაშფოთებ...
მსურს აწ მივეცე თავდავიწყებას!

ლამის აჩრდილმა ადრე დამიქნო
ნორჩი ყვავილი გაზაფხულისა;
ყმაწვილკაცობა თან წარიტაცა,
შემრჩა ტკივილი დაჭრილ გულისა.

ჩემს მწარე ძახილს ხმას არეინ სცემდა,
ცივად მიმზერდა ღრუბლიდან მთვარე;




ნოზაელის კრებით დაჯილდოვებულნი.

ზემოთა რიგი: 1. პროფ. ბრაუნი (მარცხნივ), 2. უმაღლესო ტელეგრაფის გამომგონი მარკონი, 3. პროფ. ოსვალდი, 4. ბერნერტი (შუაში), 5. პროფ. კოხერი (მარცხნივ), 6. პოეტი ქალი ლაგერლეფი და 7. ესტურნელი.

ლამის აჩრდილი მითხრის სამარეს...
მიშველე, მმარხავს... ოჰ დამეხმარე!..

* * *

ვხედავ შავს სიზმარს... ვწევარ კუბოში...
 ზარსა ჩამოჰკრეს სამგლოვიაროს;
 ჰსურს სულის დემონს ადრე დამმარხოს;
 ჰსურს ცივი მიწა გულს მომაყაროს.
 რად ხარ სასტიკი, ჩემო ოცნებავ,
 ვით თეთრი ცვილი, შენთვის ვდნებოდი;
 ბნელს გინათებდი, გიკლავდი სევდას,
 შენს გულის თქმასა ვემონებოდი!



ახალი თივის საგროვებელი.

მაინც ჩემი ხარ!.. არ ძალუძს საფლავს
 მომიკლას გრძნობა და სიყვარული;
 აგაფრენ ზეცას შენს უხილავად,
 ძილით აღგადგენს ჩემი ჩურჩული!
 და დაგაშორებ ამ ბედკრულ სოფელს,
 მკერდს მომეყრდნობი, შემომერევი;
 იქ თუნდ ვიტანჯოთ, მიწა ვერ გვნახავს,
 იქ უკვდავების შთავგნთქავს მორევი.

ა. შანშიაშვილი.

საახალწლო სურათები.

(თარგმანი)

ზამთრის მშვენიერი დილაა... თუმცა მზე იჭყიტება და
 მზიარულად იცინის, მაგრამ იგი ისე შორს მოსჩანს, რომ
 მისი სხივები ვერ ებრძვიან სიცივის სუსხს.

დილის მშვენიერებას ის აორკეცებს, რომ
 ახალი წლის პირველი დღეა... ჩქარა ამოდრავ-
 დება ყველაფერი, დაიწყება ეტლების გრიალი,
 მზიარულ ქალების სრიალი, ახალდაშენდილ ფეხ-
 საცმელთა პრიალი, თვალების ერთი მეორისაკენ
 ტრიალი და ბოლოს მთვრალთა დრიალი...

აგერ გამოჩნდა პირველი მომკითხავი. მზიარუ-
 ლის სახით, კოხტად დაფარცხნილი და გალამაზე-
 ბული, იგი არბის კიბეზე და არაწყუნებს ზარს.
 მერე ისევ მალე უკან ბრუნდება და მეეტლეს
 უბრძანებს მეორე ნაცნობთან წასვლას. მეორეს
 მესამე მოჰყვება, მესამეს-მეოთხე და ასე...

აი, გაჩერდა კოხტა ეტლი, საიდანაც გად-
 მოხტა ქერა ახალგაზრდა, ცისფერ თვალებით და
 ხშირ უღვაშებით. კოხტად ავიდა კიბეზე და
 მოუთმენლად ჩამოჰკრა ზარს. კარგად იცის,
 რომ ქმარი სადარბაზოდ იქნება წასული მოსამსა-
 ხურე გოგომ ჩამოართვა ბარათი და ღიმილით სთხოვა
 — „მობრძანდითო“. მერე შევიდა ბუღუარში და მშვენიერ კოპ-
 წია ქალის წინ გაქვავდა.

მოგრძო შევევრემანი სახე, გიშერივით შავის თვალ-
 წარბით შემკობილი, ლალის ბაგენი, ბროლივით კბილებით
 დამშვენებულნი, წერწეტი ტანი და გედის გულომკერდი მას-
 ში ვნებათა-ღელვას იწვევს. არასოდეს არ უგრძნია ასე

ძლიერად მისი მშვენიერება; არასოდეს არა ყოფილა მგო-
 ტოდ მარტო და ასე ახლო ამ მშვენიერებასთან.

სუნთქვა უძნელდება, სინათლე უბნელდება, მაგრამ
 სწრაფად მოდის გონს და აწვდის ხელს:

— მოგილოცავთ ახალწელს, ვისურვებ ბედნიერებას!..

მაგრამ დამთავრებას ვერცკი ასწრებს, რომ ზამბასავით
 თეთრი რბილი ხელები კისერზე მოეხვევა. და ბროლის ბაგენი
 მოეკვრიან ხშირ უღვაშებს. დიდხანს არიან ეგრე შეერ-
 თებულნი, ცხოვრების ნექტარს დაწაფებულნი.

მაგრამ ამ დროს უკან რაღაც შრიალი მოის-
 მა. ერკვევიან...

„ღმერთო! ნუ თუ ჩემი ქმარი უკვე დაბ-
 რუნდა!“ — ფიქრობს ქალი და სწრაფ შორდება
 ყმაწვილს. ყმაწვილი დაიბნევა, გაშრება, გაწი-
 თლდება, აღარ იცის, რა ჰქნას.

კარებიდან-კი იცქირება ქალარა გარეული
 შუა ხანს გადასული, კოხტად ჩაცმული არის-
 ტოკრატი. თვალისაგან მონოკლი ჩამოვარდნია,

კარებში თითქოს გაქვავებულა.

ახალგაზრდა მირბის იმისკენ, ულოცავს ახალ წელს
 და ეხვევა:

— გმადლობთ! — ისმის ქალარის ყრუ წალაპარაკება.


ახალგაზრდა გიჟივით გარბის ბუღუარიდან...

— მეტლე, გასწი შინისაკენ! ♪

„მადლობა ღმერთს, გადავრჩი! ღმერთმა დასწყევლოს
 მოდარბაზენიც და მათი თავიც! ოჰ, ნახევარი სათიჯ არ
 გასულა და მე კი მთელ საუკუნედ მომეჩვენა. შინ კი მხო-
 ლოდ ოთხი საათისთვის მკლოდება ჩემი ცუგრუმელა...“
 — ფიქრობს იგი და თანაც ყურს უგდებს თავის გულის გახ-
 შირებულ ბაგაბუგს.—

— გმადლობთ, აღარსად წავალ დღეს! ცხენები გამოუ-
 შვი, შეუძლიანთ დაისვენონ! — თითქოს თავისთვის ეუბ-
 ნება იგი მეეტლეს და არბის კიბეზე.

მოსამსახურე წყნარად აღებს კარებს და წისიც წყნარად



ახალი თივის საგროვებელი.

შედის ოთახში, რადგან ეშინიან, ცოლი არ მიეგებოს და არ
 შეამჩნიოს აღელვება.


სასტუმრო ოთახში მიდის სარკესთან და უნდა მოწეს-
 რიგდეს, მაგრამ... ოჰ, ღმერთო! ეს ცხადია თუ სიზმარი!
 სარკეში ნათლადა სჩანს, როგორ ეხვევა მეორე ოთახში
 იმის ცოლს მისივე მეგობარი მხატვარი. გაგიჟებული შევარ-

დება იგი ოთახში: ცოლი შიშით გაქვავდება. მხატვარი კი სიცილით წამოხტება და მოეხვევა.

მომილოცავს მეგობარო! ღმერთმა, ახალი ბედ-იღბალი არ მოგაკლოსთ!

— დიდად გმადლობთ და ასეთსავე ახალ ბედ-იღბალს თქვენც გისურვებთ!— ეუბნება გაბრაზიანებული თავის მეგობარს, რომელიც უკვე გვსასვლელ კარებშია, ჯათა ჩქარა დაეხწია აქედან თავი და... შინ ასეთივე სურათი ნახოს.

კორდელი.



ახალი თივის საბროკვებელი.

--§§--

ამ ერთი წლის წინად ინგლისში გამოიგონეს სახელდახელო თივის საგროვებელი, რომელიც უდრის 12 კაცის მუშაობას. წარსულ ზაფხულს გერმანიაშიაც შემოიღეს ხმარებაში ეს თივის საგროვებელი, რომელმაც დიდი შთაბეჭდილება მოახდინა გერმანელ მუშა ხალხზე, რადგან ყოველად იაფი, უბრალო და ხელსაყრელი რამ გამოდგა. არის სულ უბრალოდ მოწყობილი. მისი გაკეთება არც ერთ ჩვენებურ ხელოსანს არ გაუჭირდება, თუ კარგად დააცქერდება ნახატს.

ფრიად სასიამოვნო იქნება, თუ სოფლის ინტელიგენცია მიაქცევს ამ საქმეს ჯეროვან ყურადღებას და პრაქტიკულად დაანახვებს მუშა გლეხ-კაცობას, რამდენად იაფად და ადვილად შეიძლება საქმის წარმოება. ვიმედოვნებ აგრეთვე, რომ სამეურნეო საზოგადოება არ დასტოვებს უყურადღებოდ ამ ხელსაყრელ საქმეს და მისცემს მაგალითს სოფლის მუშა ხალხს.

რ. გ.—შვილი.

ბოროტი მეკვლე

(სახალწლო სურათი)

მკაცრი, სუსხიანი ზამთარი იდგა. დედამიწას სქელი თოვლი მძიმე ზეწარდა ჰქონდა გადაფარებული. ქარი ზუზუნით, ერთი მხრიდან მეორე მხარეს დაჰქროდა და თან თოვლის ზედა ნაპირზე გაყინულს ფიფქს ჰაერში ანიავებდა. ზეცა განთიადის ნათელ სხივების მოლოდინში მოწყენილ ბუნებას გულკეთილი ღიმილით დასცქეროდა. შუაღამე ახლოვდებოდა, დგებოდა ჟამი, როდესაც ძველი და ახალი ერთმანეთს უნდა შეხვედროდნენ. მალე ძველი წელიწადი ღამის სიბნელესთან ერთად უნდა გამქრალიყო ამ ქვეყნად და თავისი ადგილი განთიადის წინამორბედისათვის, ახალი წლისათვის, დაეთმო.

პაწია გორაკზე გაშენებული სოფელი ისე იყო თოვლში ღრმად ჩაფლული, რომ შორიდან აღარ მოსჩანდა. მხოლოდ ახლოდან შეამჩნევდით რომ სოფელი ჩვეულებრივ ზამთრის ღრმა ძილს არ მასცემოდა. აქა-იქ პატარა სარკმელებიდან მორცხვად გამოსქვივოდა ფერ მიხილი სინათლის შუქი. ბუნების თავებიდან კვამლთან ერთად ცეცხლის ნაპერწკლებიც ამოცვიოდნენ ხოლმე ოჯახებში ყველანი თავისებურის ფუსფუს-

სით იყვნენ გართულნი, ვის როგორ შეეძლო, ისე ეხსენებოდა ბოდა ახალი სტუმრის დასახვედრად. ძილისთვის არავის ეცალა.

სირცხვილიც იყო ახალწელიწადს ძილით ვინმე შეპვებებოდა. არ ეძინა ქვრივ თეკლეს ოჯახსაც. მისი პაწია შვილები, ოთხი ქალ-ვაჟი ბუნარში აგიზგიზებულ ცეცხლს მოსხდომოდნენ და ცხელ ნაცარში „ბიკიკებს“*) აცხობდნენ. სახლში ბავშვების მხიარული კისკისი ისმოდა. თეკლეს სევდიანი გულიც გახალისებოდა, სურდა საამურ სტუმარს პირმცინარედ, მხიარულად დახვედროდა თეკლე საახალწლო სუფრის გაშლას შეუდგა.

—ბას!.. —გაისმა საღდაც შორს სოფელში თოფის ხმა. ბავშვებს სიმხიარულეში თოფის ხმა არც კი გაუგონიათ. პირველ სროლას მოჰყვა მეორე, მეორეს მესამე... სჩანდა ძველ წელიწადს ისტუმრებდნენ ასე უპატივცემლოდ.

თოფმა ახლო მეზობლებშიაც დაიქეჩა. ძაღლებმა ყეფას უმატეს.

თეკლეს უფროსმა ვაჟმა 15 წლის დათამ ბუნარს თავი გაანება და დედას მიაშურა.

— დედო! — წამოიძახა ბავშვმა. დავსცილი მეც თოფსა. შენ აკი დამპირდი, ახალწელიწადს ეს დსაცალე თოფით. დედამ უარის თქმა ვეღარ მოახერხა.

— კარგი, შვილო. კარებში დადექ და ჩახმახს ფრთხილად გამოსდე თითი, — უპასუხა დედამ. კედლიდან ძველი ქართული კაჟიანი თოფი ჩამოიღო, რომელიც დიდხანია საფანტით იყო გატენილი, მაგრამ აქნობამდე დამცლელი არავინ გამოსჩენოდა. მტვერი გადასწმინდა, ჩახმახი ფეხზედ წამოაყენა, კარები გააღო და თოფი ფრთხილად ვაჟს გადასცა.

სახლიდან გაბნეულმა ცეცხლის ალის შუქმა ისედაც ნათელი ეზო კიდევ უფრო გააბრწყინა. მეზობლის ძაღლების ხრინწიანი წაკე-წაკავი სახლში შემოიქრა. პატარა დათამ ცალი ფეხი საძირკველზედ გადასდგა, თოფი ვაჟკაცურად მარჯვენა მკერდზედ მიიყრდნო და ჩახმახის გამოსაწევად თითი მოამზადა, რომ ამ დროს საზარელი სანახავი დაინახა. ეზოში ვეებერთელა ბანჯგვლიანი მგელი გამოჩნდა. თოფის ხმების და ძაღლებისაგან დამფრთხალი იგი უგზო-უკვლოდ გარბოდა ნადირი ერთს წუთს შეჩერდა. ვებერთელა თვალეზი, რომელსაც სინათლის შუქზედ ნაკვერცხლებივით ლაპლაპებდნენ, დათას მიანათა.

— ვაიმე, დედავ!.. — გაისმა დათას სასოწარკვეთილი ყვირილი და ამ მწარე წამოძახილთან ერთად ძველმა თოფმა ძველებურად მრისხანე ხმით დაიგრიალა. თოფის ხმას მგელის საზარელი ყმუილი მოჰყვა...

ოჯახი აირია, შეშფოთდა ბავშვებმა თავი მიანებეს ბუნარს და ტირილ-კივილით დედას მიაშურეს. თეკლეს შიშისაგან დაიბნა. ვერ მიმხვდარიყო რა მოხდა სწრაფად მივარდა კარებს და საძირკველზე ჩაკეცილი დათა შინ შემოიყვანა. ბავშვს ჯერ კიდევ მაგრად ეკიდა თოფის ჩახმახზედ ხელი.

კარგა დრომ განვლო, სანამ ოჯახი დაშოშმინდებოდა დათოს აქნობამდე ვერ გამოერკვია: თოფი თავისთავად გავარდა, თუ მან გაისროლა.

დაჭრილ მგელს ძაღლები წასწვოდნენ მიწდორში და შეუბრალებლადა ჯიჯგინდნენ.

ეს იყო ახალწლის პირველი ბოროტი მეკვლე, რომლის დახვედრაში პატარა დათამ შემთხვევით ასეთი ვაჟკაცობა გამოიჩინა. მაგრამ ამდენ ალიაქოთში ცხელ ნაცარში ჩასმული „ბიკიკები“ სულმთლად ამომწვარიყვნენ.

ჯაფარ-ფაშა.

*) „ბიკიკებს“ რაჭაში პურისცომისაგან მოზეულილ თხებს ირბებს, მამლებს და სხ. ეძახიან.

